

LES TRANSPORTS PUBLIYS



LA BEUSSE

Eune beusse est un boulangt qu'nou fait sèrvi pour transporter les pâssagiers en ville, contraithement à un cârrosse qu'nou fait sèrvi pour les longs viages et pour les viages hors ville. Dans eune beusse, les pâssagiers peuvent êt' assis si y'a des sièges libres. Si n'y'en a pon, i' lus faut lus mâter sus lus gambes. En généthà, la beusse est mains confortabl'ye qué l'cârrosse.

LÉ CÂRROSSE



Pour les viages hors ville, nou fait sèrvi l'cârrosse où'est qu'les pâssagiers daivent êt' assis. Il est r'quémandé d'attachi sa cheintuthe dé seùth'té si l'cârrosse en est êtchipé. Eune aut'chose entouor les cârrosses: i' sont êtchipés d'un bosc à cartchaïson où'est qu'les viageurs peuvent laïssi lus bagages. Certaines beusses sont êtchipées d'eune p'tite maïson, d'écrans vidgo ou même dé couochettes pour dormi. Les cârrosses sont bâtis pour faithe des longs viages, pon comme les beusses tchi sont bâties pour les courts viages. Même si les viages en cârrosse sont bein pus lents qu'les viages en avion, i' sont hardi populaithes car i' sont bouôn marchi.

LÉ MÉTRO



Lé mot « métro » est l'abréviâtion dé métropolitain. Ch'est un drannet dé c'mîn d'fé souôtèrrain dé d'dans la ville. Eune partichularité d'chu drannet est qu'i'n'a pon d'crouaïsement. Les gens d'la ville aiment bein chu boulangt viyant qu'il est pus rapide qu'la beusse mais i'n'est pon pus chi.

Pâl'lie

Prends deux cartes et compathe les boulangts. Fai sèrvi « pus..qué », « mains... qué », « aussi...qué ».